

西南文學文獻

第十一卷

中國西南文獻叢書



中國西南文獻叢書·第六輯

西南文學文獻

第十一卷

本輯主 編：徐希平

田耕宇

副主編：肖 燕

鄭慧珍

葉 南

編 撰：王永波 陳 堯 邢金良

劉 浪 徐立昕 鄧 潔

林洪濤 李廣科 艾 晶

張麗豐

本卷目錄

雙溪集	下	〔南宋〕蘇籀撰……………	一
書舟詞	〔南宋〕程垓撰……………	一八七	
漁墅類稿	〔南宋〕陳元晉撰……………	二六一	

【南宋】蘇籀撰

雙溪集

下

《雙溪集》詩文別集，南宋蘇籀撰。籀（公元一〇九一年至？）字仲滋，眉州眉山（今屬四川）人。蘇轍孫。曾侍蘇轍前后九載。高宗時，官至太府監丞。孝宗時卒。其詩文雄快疏暢。《雙溪集》共十五卷，先由其子蘇翹編集并刊刻于筠州，后編入《四庫全書》，此后還有清咸豐元年南海伍氏刊本，今有《粵雅堂叢書初編》（第八集）及《叢書集成初編》等（此二本皆據伍氏本刊印）。本書以文淵閣本《四庫全書》影印本爲底本輯錄，原書版心高二十二點三公分，寬十五點三公分，每頁十六行，每行十六字。

欽定四庫全書

雙溪集卷十二

宋 蘇籀 撰

啓

代謝呂丞相啓

右某蒙恩受前件差遣已於某月某日起上訖分安僻
壤自便養病祇奉恩光仰煩造物攬轡沃若握節慨然
撫民夷風俗之殊幹山澤財幣之夥詳味獎予恐懼叨
塵伏念某少不逮人老來更事初無進擢之望終冀循

良之稱華省振纓窮途失子哀悴所迫哀疾相仍懇悃
一陳光榮曲被此蓋伏遇某官帝所奇寶王佐異才社
稷元功掃閭闔之氛祲邦家係望補袞職之工能國是
定而紀綱明兵勢強而姦邪伏書鼎彞而顯赫大陶冶
以埏鎔致茲一介之微亦獲寸長之效量才受任藏疾
包荒某敢不收晚莫之桑榆增太山於塵露庶幾一簣
以補萬分過此以還未知所措

賀張樞密啓

伏審誕颺宸綽全付樞衡復辟云初論功第一黔黎大
慶將相調和獲此具瞻榮適倫等竊以北巡未復謳歌
允歸南渡疾趨環衛寡弱值汲黯之在外顧公孫如發
蒙變生雙闕之前援之它師之助介甲而呼者為吠堯
之犬伐鼓而奮者揮誅錯之戈孟賁駭於狂童神龍制
於羣蟻天地尚顧於邦國朝廷豈乏於仁賢皆力薄而
勢孤雖心非而口諾毛先生以三寸之舌使趙重於九
鼎周太尉以一呼之袒安劉氏於太山古常有之今則

復見伏惟知院樞密剛大塞乎天地忠義一於死生有
旦莫千里之才有吞納百川之量步武青雲之上身名
北斗之南捧檄者百列城聲飛仁者之勇同心者三大帥
汗流烈士之顏君王正位於法宮將士悉還於天仗見
股肱爪牙之助察脂韋首鼠之徒消惡運而遏亂原抑
姦鋒而奮誠節解腹心之疾而罔施箴砭除城社之鼠
而不假薰燔天下避之軍中肅若深悼艱難之國步共
思英毅之王臣顧得失存亡之秋非蓄縮鄙凡能辦以

閣下妙齡之人傑立朝端允代於天工必進任於元台
益更張於治具中興可覲大業彌隆相袞命圭分固當
於得鬼兵機國事目不見於金牛念祖宗之法度可循
講賢哲之建明未泯何止江南之王謝定配中原之管
蕭猶玷桑梓之坤維仰節旄之公府方且揚眉而吐氣
不勝饜目而愜心歡欣交通歎咏不足無任為天下喜
忭之至

賀謝叅政啓

伏審入覲嚴宸延登近弼虛襟前席咨大計而條陳運
規從繩獲真賢而柄用巖石增峻飄風自南立政平章
同心叅貳竊以左右洪造執持大權弛今日之憂慮講
當世之備禦可為痛哭者非一如解倒懸之未蘇天子
思治勵精志勤宵旰元臣遠猷辰告力振綱維武夫虛
驕殆矣偏見文吏叢勝疚哉淺聞廟堂須不世之才著
龜戒往事之失實符人望宜亮天工恭惟叅政相公斷
金判戟絕塵超邁識邦國遠大之體得軍旅信伏之心

論思代言窺伐苗命說之作解紛排難卑射聊喻蜀之
解惟其正色而立朝固已折衝而却敵仁厚惻怛副黔
黎饑渴之時賞擢精華致豪傑興起之助太平之責允
塞黜庸之盛當然猶入道不優登門為愧鱣堂之瑞久
矣伏膺牛角之歌舊蒙採聽岢嶇執轡齷齪斷編無勞
可書有局自效風俗四維之克舉芻蕘片說之必行竊
聽倚毗佇觀施設王度金玉共式昭於德音人材茹茅
益廣開於賢路仰頌之喜敷述難工

賀富中丞啓

伏審簡在宸衷，擢領風憲，任隆獻替，用乂搶攘，當大有
為，蓋非常選。多士攸慶，前脩不亡，竊以道不虛行人，惟
舉類念昔烈祖之輔，有如鄭公之賢，門緒蕭然，聞望卓
爾，廟食赫奕，鼎彛著明，後昆是似，其淵源世俗，豈知其
髣髴取故家之成效，在高位必仁人，溫故益新，象賢崇
德，典刑有自，箴訓可追，今海岱失於太平，而黔黎喪其
常產，約已陳錫，將以收敵愾之心，公聽使能，將以建勅

興之業此意甚切厥功惟諧從容訪道之求類非俗吏
之事必明哲同于山甫而剛大比于孟軻其智辯足以
平厲階其仁強足以遵美志汎應曲當無頗至公伏惟
中丞妙講規模深識壺奧蹇諤匪躬之節高奇足用之
文論思甚確而朝無闕遺執法允明而士知趨嚮聲郵
傳于天下謨輻湊于上前定傾丕平制勝未戰求懿德
而肆時夏總羣策而殄妖氛諛鬼姦魂巨蠹叢煩于白
簡散材泛駕小疵稍洗于丹書知無不言允副殊眷位

金八口人
卷十二
鄒揆路遷補擬漢之大夫進參調元圖任方今之近例
稽祖為君子所與竦聞長者之風讀先正之書愚不昧
其萬一拜高軒之日理有契於三言瞠然超軼之蹤率
爾狂狷之作慶咏之切敷染異殫

賀富知院啓

伏審丕奉寵休擢司宥密聲實無忝睠屬益深凡在芘
庥與有榮耀竊以有世臣者所謂故國建明德者其後
達人豈特為階闥奇異之觀實能任邦家輔相之美以

才業之絕異正名位之穹隆無替茂勲復仍舊貫副朝廷之企佇厭華夏之傾瞻惟茲右武之要權思得佐時之機略雖俎豆墳典之事吾儒守文而擊鼓金革之間諸將易得措世大安則有道使敵遠遁則貴謀頃刻微差安危所係呼吸生變裁處尤難折衝於帷幄之間度兵於枕席之上六奇五間之策應可無窮九流七略之術何所不用是由文墨之士自許驅馳之勞側聞登庸實允僉議伏惟樞密端明性與道合意叶才周閉戶揣